



Broj: 10-05-36214/16
Sarajevo, 26.01.2017. godine

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na poslaničko pitanje

Zastupnik Zvonko Marić je, na 24. Radnoj sjednici Skupštine Kantona Sarajevo, održanoj dana 28.12.2016. godine, u okviru tačke Dnevnog reda "Zastupnička pitanja, inicijative i odgovori u nekoliko tačaka postavio zastupničko pitanje koje se odnosi na Javnu ustanovu Zavod za medicinu rada Kantona Sarajevo, i to:

„Na temelju odgovora koje sam dobio postavljam sljedeća pitanja:

-vezano za doktorat i isplate da li je Jasmina Bišćević Tokić u to vrijeme imala odluku nastavnog vijeća ili joj je bez odluke uplaćen novac za doktorat?

- osoba koja je radila na IT sistemu, Jasmina Bišćević Tokić se nije izjasnila da li je u pitanju njen zet, drugo on navodi da je u sklopu svojih usluga ugradio određene dijelove u računare pa da li su ti dijelovi zaista ugrađeni i da li Zavod posjeduje račune od ugrađenih djelova, da li je isti platio porez na isplaćeni novac od strane Zavoda?

- da li je ova firma iz ID-S CONSULTING ista ona firma kopirala bazu podataka Zavoda takođe podataka iz baze KCUS, te da li je ova firma kopirala bazu podataka Zavoda takođe nelegalno, da li se pomenuta firma povezuje sa pokušajem da razvije softver baze podataka, što je avansno plaćeno od strane Zavoda projekat nije realizovan a avans nikada nije vraćen?

- što se tiče plaćanja mjesečnog iznosa paušala UO za svega 3 dana posla i u koliko je paušal plaćen da li se tako postupalo sa svim UO Zavoda jer postoje saznanja da se samo jednom UO na takav način isplatio paušal, a drugim samo za broj dana koje su proveli radeći na funkciji?

- Zašto je navedeno u obrazloženju za produžetak ugovora dr ŠEFIKI da je deficitaran kadar, te u samom ugovoru naveli isključive razloge prestanka Ugovora koji ne ostavljaju nikakav prostor i da se sutra pojavi mladi ljekar sa biroa za zapošljavanje da se sa istom raskine Ugovor. Na osnovu čega i kojeg pravilnika je dotična bila zamjenik direktora te redovno primala povišice, iz tog razloga očigledno je da postoji veza i ogromna privilegovanost tadašnje uprave i dotične doktorice.-vezano za članstvo Dr. Jasmine Bišćević Tokić u Glavnom odboru SDA, isto je dostupno na internetu te je ista potpisala izjavu pred punom materijalnom i krivičnom odgovornošću da ne obavlja nikakve stranačke funkcije i time dovela u zabludu ministarstvo zdravstva, te nas interesuje šta je ministarstvo zdravstva učinilo po tom pitanju?

Također pitanje koje nije vezano za niti jedan odgovor a novo je, odnosi se na to da li je dr.Jasmina Bišćević Tokić pored mišljenja resornog ministarstva zdravstva da je njen mandat istekao nastavila da bude član UO Zavoda za medicinu rada donosi odluke i prima naknade? Želim da mi se odgovori o kojem se periodu radi i da li su odluke koje je takav UO donio validne?."

U vezi sa postavljenim poslaničkim pitanjima dostavljamo slijedeći:

ODGOVOR

Obzirom da je zastupnik Zvonko Marić na 21. Radnoj sjednici Skupštine Kantona Sarajevo već postavio pitanja vezana za rad Javne ustanove Zavod za medicinu rada Kantona Sarajevo, Ministarstvo zdravstva Kantona Sarajevo je dostavilo odgovore na ista dana 23.12.2016.godine koji su uvršteni u Dnevni red 24. Radne sjednici Skupštine Kantona Sarajevo koja je održana dana 28.12.2016. godine.

Naime, Ministarstvo zdravstva Kantona Sarajevo kao odgovor na postavljena zastupnička pitanja dostavilo Vam je obimnu dokumentaciju Upravnog i Nadzornog odbora JU Zavod za medicinu rada kao dokaz provedenih procedura na koje se Vaša pitanja odnose.

Što se tiče Vašeg pitanja koje se odnosi na mandat člana Upravnog odbora dr Jasmine Bišćević Tokić informiramo Vas da je za vršioca dužnosti člana Upravnog odbora imenovana od strane Vlade Kantona Sarajevo dana 04.08.2015.godine na period od 3 (tri) mjeseca a za člana Upravnog odbora Zavoda imenovana je dana 29.03.2016.godine na mandatni period 4 (četiri) godine. Pravo na naknadu za svoj rad imenovana ostvaruje u skladu sa važećim zakonskim i podzakonskim propisima koji regulišu ovu oblast.

